



國家清史編纂委員會·文獻叢刊

六編

清代稿鈔本

第二九四冊

國家清史編纂委員會・文獻叢刊

六編

清代稿鈔本

第二九四冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第二九四冊目錄

京報摘鈔

.....

京報摘鈔

不分卷

光緒十八年三月至光緒二十年二月

佚名輯

鈔本

光緒十六年三月初三日京報

頭品頂戴安徽巡撫臣沈秉成跪 奏為知縣循例迴避接壤揀員
更調恭摺仰祈 聖鑒事竊照准補天長縣知縣尹允照迴避接壤
前請以績溪縣知縣歐陽靄對缺調補經部咨覆該員歐陽靄任內
有經徵錢糧未完二案展參例關降調與例不符應毋庸議等因即
經行司揀員更調去後茲據布政使阿克達春按察使嵩崑會詳稱
遵即在於通省實任中簡各缺知縣逐加遴選查有英山縣知縣黃
兆岷堪以更調會詳請奏前來查例載題補得缺之員查明原籍與
任所在五百里以內者即詳明該督撫酌量改調迴避等語今准補
天長縣知縣尹允照尚未到任既據呈明與原籍江蘇儀徵縣在五
百里以內應即照例迴避經臣請與績溪縣知縣歐陽靄對調部覆

以歐陽靄有經徵錢糧未完叅案不准調補今據兩司揀員更調等情到臣查英山縣知縣黃兆岷現年四十歲係江西興國縣人由優附生應光緒元年乙亥恩科本省鄉試中式第一百十四名舉人丙戌科會試中式第二百七十名貢士殿試三甲第一百十九名進士五月初八日引見奉旨以知縣即用欽此簽掣江蘇親老告近改掣安徽十四年正月十九日領照到省十六年題補英山縣知縣奉部覆准旋在順直賑捐局捐加同知銜十六年十二月初二日到任該員心地樸誠辦事穩練堪以調補天長縣知縣所遺英山縣知縣員缺應即以准補天長縣知縣尹允照對缺調補均堪勝任與例相符合無仰懇天恩俯准將英山縣知縣黃兆岷與天長縣知縣尹允照對缺調補如蒙俞允該員等均係中缺知縣今互相

對調銜缺相當毋庸送部引 見該員黃兆岷本任並無經徵錢糧未完展叅處分亦無承緝盜劫已起四叅案件該員尹允照尚未飭赴天長縣本任前請與績溪縣知縣歐陽靄對調案內業已聲敘履歷會同加考此次請免重敘惟係捐納之員應令試俸三年合併陳明所有知縣循例迴避接壤揀員更調緣由謹會同兩江總督臣劉坤一恭摺具陳伏乞 皇上聖鑒訓示謹 奏奉 硃批吏部議奏欽此

原補安徽泗州天長縣係疲難中缺尹允照迴避接壤

先請對調徽州府績溪縣同 歐陽靄

另行對調六安州英山縣係無字簡缺黃兆岷

光緒十八年三月初三日京報

頭品頂戴湖廣總督臣張之洞頭品頂戴湖北巡撫臣譚繼洵跪
奏爲繁缺知州揀員請補恭摺仰祈 聖鑒事竊照蘄州知州封蔚
初病故當經題報開缺聲明所遺要缺容另揀員請補在案查截缺
章程內載病故之缺有本日可計者即以本日作爲開缺日期又例
載州縣應調缺出令於現任人員內揀選調補如無合例堪調之員
始准以候補人員請補又各省知州如係奉 旨命往或督撫題明
留於該省候補並試用人員因軍營出力保奏歸候補班補用無論
應題應調應選之缺令該督撫酌量才具擇其人地相宜者悉准補
用又知州遇應用候補時先儘科甲出身人員又吏部奏定章程嗣
後道府以至未入流業經甄別人員僅祇保加補班次並未改官均

毋庸甄別各等語今蘄州知州封蔚初係光緒十七年十月十六日病故歸十月分截缺係衝繁難兼三要缺例應由外揀補該州地廣賦繁素稱難治且界連江西安徽等省爲入楚門戶撫綏巡緝在在均關緊要非精明幹練才能出眾之員難期勝任臣等在於現任知州並應升人員內逐加遴選非現居要_地即人地不宜實無堪以調升之員惟查有候補班儘先補用知州凌兆熊年四十三歲安徽定遠縣人由監生中式同治三年寄籍四川省鄉試舉人呈明改歸原籍光緒二年丙子恩科中式進士以主事簽分戶部雲南司行走五年在江蘇滇捐局遵籌餉例改捐知州指分廣西試用六年二月初八日到省一年期滿照例甄別留省補用八年委署懷遠縣事九年經前廣東撫臣倪文蔚奏調赴廣東差委十二年以兩廣創設電綫案

內出力保留原省歸候補班儘先補^用十五年以剿平關外陸之平逆
匪案內出力保俟補缺後以直隸州前先補用均經吏部核准覆奏
奉 旨依議欽此是年二月在廣東鄭工捐局捐離原省改指廣東
歸原班補用十月經臣之洞奏調赴湖北差委十一月二十六日到
湖北省十六年二月在湖北新海防捐局捐離廣東改指湖北歸原
班補用接准部文坐光緒十六年六月二十日行文按照限減半計
算應扣至是年七月十五日爲到省日期該員前在廣西試用期滿
業經甄別留省補用嗣係加候補班次並未改官照例毋庸再行甄
別查該員凌兆熊才學兼裕辦事精明且係知州候補班內科甲出
身人員例得先儘補用以之請補蘄州知州實堪勝任惟調缺請補
與例稍有未符但人地實在相需合無仰懇 天恩俯念蘄州員缺

緊要准以候補班儘先補用知州凌兆熊補授實於地方吏治均有裨益該員係候補知州銜缺相當毋庸送部引見據布政使王之春按察使陳寶箴會詳前來謹合詞恭摺具陳伏乞 皇上聖鑒勅部核覆施行謹 奏奉 硃批吏部議奏欽此

准

光緒十年三月十五日京報

雲貴總督臣王文韶雲南巡撫臣譚鈞培跪 奏爲揀補極邊要缺
知府以資治理恭摺仰祈 聖鑒事竊南^{在案}普洱府知府周範於光緒
十七年十二月十二日聞訃丁繼母憂當經具 題開缺聲明所遺
普洱府知府係烟瘴三年俸滿撤回內地候升題調要缺例應在外
揀選調補照例以該員聞訃丁憂之日作爲開缺日期歸十二月底
截缺係題調缺毋庸掣簽查該府地處極邊界連緬甸南掌管轄三
廳一縣及九龍江十三板納土司幅員遼闊水土惡劣一切撫馭巡
防在在均關緊要非在滇年久熟習夷疆情形能耐烟瘴之員不足
以資治理臣等督飭藩臬兩司於通省應調應升人員內逐加遴選
非現居要缺卽人地未宜實無合例堪以升調之員惟於應補人員

內查有運銅卓異曾[○]任實缺候補知府蕭鳳儀年六十二歲係江西泰和縣人由監生遵[○]籌餉例報捐典史指分四川補通江縣典史同治五年加捐鹽大使選雲南黑鹽井大使[○]九年三月到滇隨同克復尋甸嵩明等處地方保奏同治十一年正月初十日奉[○]上諭着以知縣儘先補用欽此歷署黑鹽井提舉新平縣知縣緬甯通判各印務光緒五年遵例報捐知府仍指雲南試用加捐三品升銜請咨引見並奉委管解京餉七年二月初十日經[○]欽派王大臣驗放覆奏堪以知府補用因解運京銅依限抵京兌收足數應由戶部帶領引見五月二十五日復經[○]欽派王大臣驗放知照吏部給獎經部議准俟回省後毋庸計其從前到省先後遇有知府應題應調應選之缺悉准請補俟補缺後將卓異之案查銷改爲加一級等因五

月二十六日覆 奏奉 旨依議欽此八年正月十八日到滇試用

期滿甄別留省補用在案九年委署昭通府知府二月初八日到任

七月十八日聞訃丁父憂交卸回籍守制服滿請咨十二年正月初

六日回省歷署順甯臨安等府知府於剿辦猺黑夷匪案內在事出

力保奏奉 上諭補用知府蕭鳳儀着俟補缺後以道員補用欽此

十七年委署東川府知府六月十一日到任據雲南布政使史念祖

按察使岑毓英以該員在滇年久熟習邊情堪以請補普洱府知府

會詳請 奏前來臣等查蕭鳳儀老成明爽能耐烟瘴合無仰懇

天恩俯念極邊要缺准以蕭鳳^儀補授普洱府^{知府}實屬人地相宜與例亦

符如蒙 俞允該員係運銅卓異候補知府銜缺相當毋

庸送部引 見至該員運銅卓異之案應請查銷改爲加一級其補

缺後以道員補用之案照例帶歸本任所有揀員請補極邊要缺知
府緣由謹合詞恭摺具陳伏乞 皇上聖鑒勅部議覆施行謹奏奉
硃批吏部議奏欽此

光緒十六年三月十五日京報

奴才依克唐阿增祺跪 奏為訊出屍親有賄仵捏傷情弊擬將原
驗官請 旨暫行解職以及牽連各員統歸審訊恭摺先陳仰祈
聖鑒事竊於光緒十七年十月間據署協領烏爾滾稟據正紅旗漢
軍托明阿佐領下西丹經齡象齡等呈稱伊父馬隊字識海祥在營
病故不明呈請相驗等情當派刑司行走之佐領勝德帶同仵作石
詳申驗稱委係生前被人踢傷腎囊身死呈將甘結傷單存案復據
屍子經齡等呈稱伊父海祥既驗明被踢身死催請追究當飭刑司
將案內應訊之人札調推訊間屍妻馬樊氏屍子經齡等繼又控指
隊官綽勒洪阿素與海祥有嫌隊兵通徵等通同謀害並牽連營官
永山復經奴才等以案涉疑似又添派總管德陞額協領穆精額等